

ҲАРБИЙ ҚИСМДА УЧ АВЛОД УЧРАШУВИ ЎТКАЗИЛДИ

Фарғона шаҳрида жойлашган Шарқий ҳарбий округига қарашли ҳарбий қисмда уч авлод учрашуви бўлиб ўтди. Унда вилоят Ҳарбий-маъмурий сектори раҳбарининг маслаҳатчиси Музаффар Юлдашев, кўп йиллар мудофаа тизимида самарали фаолият кўрсатган фахрийлар, ўрта ёш авлод вакиллари, ҳарбий хизматчилар қатнашди.

Ўзбекистон “Ветеран” жангчи фахрий ва ногиронлари бирлашмаси вилоят бўлими, Ўзбекистон қуролли можаролар ва антитерористик кураш ногирон-фахрийларининг “Ватан” хайрия жамоат фонди, Ўзбекистон ёшлар агентлигининг вилоят бўлими ҳамкорлигида ўтган тадбир, айниқса, ёшларда катта таассурот қолдирди.

Юзма-юз мулоқотда жангчи-фахрийлар ўз ҳаётий тажрибаларини ўртоқлашиб, ёшларимиз келажакда ватанимиз тараққиёти учун муносиб ҳиссаларини қўшишларига ишонч билдиришди. Эртамиз эгалари эса ўзларини қизиқтирган саволларга жавоблар олдилар.

Тадбирда иштирок этажтигандаги бир гурӯҳ ҳарбийларга Шарқий ҳарбий округ қўшинлари қўмондонининг навбатдаги ҳарбий унвонлари ва ташаккурномалари топширилди.

Шунингдек, ҳарбий қисмдаги Хотира ва қадрлаш майдонида мустақиллик йилларида хизмат бурчини бажариш чоғида ҳалок бўлган ҳарбий хизматчилар пойига гуллар қўйилиб, хурмат бажо келтирилди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-08-04 12:26:23